



## Publicaziuns officialas dils 08-11-2019

---

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 109/2019

Gion e Gabriela Lutz, 7172 Rabius; remplazzament da finiastras dil baghetg nr. 434A sin parcella nr. 316 a Rabius-Tschuppina.

#### Nr. 111/2019

Giusep Candinas artavels, 7173 Surrein; remplazzament dalla scala avon il baghetg nr. 372A sin parcella nr. 4793 a Surrein-Encarden.

#### Nr. 113/2019

Remo Beffa, 7175 Sumvitg; nova canal dil tetg per il baghetg nr. 718A sin parcella nr. 1935 a Sumvitg-Plaun da Crusch.

#### Nr. 114/2019

Erika Schätti Koch e Werner Koch, 7176 Cumpadials; sanaziun dil tetg dil baghetg nr. 150B sin parcella nr. 6192 a Cumpadials-Via Vitg.

### Damonda da baghegiar

Nr. 115/2019

Datum da publicaziun: 08-11-2019  
Patrun: Genelin Jürg, 7208 Malans  
Liug e parcelas: Aclas; 6779  
Object: construcziun d'ina via da cultivaziun

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 08-11-2019

*Cumissiun da baghegiar*

### Serrada dalla via Rosas

A partir dils **19 d'uost 2019** vegn il conduct d'aua dalla firma Axpo sanada sil tschancun denter Bogn Tenigia e Runcahez. Per exequir las lavurs sto la via da Rosas denter la Val Caho e la Val Camenisch vegnir serrada per tut il traffic motorisau. A pei e cun velo eis ei pusseivel da passar. Las lavurs cuozzan entochen la fin november 2019.

Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11. Engraziel per Vossa capientscha.

Sumvig, 08-11-2019

*Axpo Hydro Surselva AG*

## Uffeci civil Surselva

### Naschientscha

**Lechmann Alina**, naschida ils 28-10-2019 a Glion, affon da Remo e Carin Lechmann, sesents a Rabius.

Sumvitg, 08-11-2019

*Controlla da habitonts*

### Pignola d'Advent e da Nadal

L'administraziun forestala recomonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'uniun da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eisi da pinar en plontaziuns, uauls da schurmetg e curtins da schurmetg encunter selvaschinas. En uauls privats eisi scumandau da pinar pignola senza ina lubientscha dil possessur d'uaul.

Nus recumandein era da pinar mo in pigniel e quel prender a casa e buca schar scher entuorn e forsa pinar dus auters.

Per tgi che vul retrer il pigniel dalla vischnaunca valan suandonts termin d'empustaziun:

- **Pignola d'Advent entochen gievia, ils 14 da november**
- **Pignola da Nadal entochen mardis, ils 10 da december**

Las empustaziuns ein da far tier la **canzlia communal (tel. 081 920 25 00)**. La gronda part dalla pignola vegn retratga ord ina scola da plontinas. La pignola vegn taxada sco suonda (prezis excl. tpv.):

grondezia	prezi/toc	
-	< 199 cm	frs. 25.-
-	200-299 cm	frs. 30-
-	300 cm	frs. 35.-
-	325 cm	frs. 45.-
-	350 cm	frs. 60-
-	400 cm	frs. 85.-

**Per il schurmetg digl uaul recumandein a scadin da pinar il pigniel da Nadal cun precauziun e senn da responsablada. Cunterfatgs vegnan punidas tenor il regulativ forestal.**

Sumvitg, november 2019

*Uffeci forestal Sumvitg*

### Via Alp Glivers

Naven da gliendisdis, **ils 14 d'october 2019**, vegnan duas stortas dalla via d'uaul Glivers betunadas. Pertuccadas ein las stortas a Gutrusas e Cuolms da Tscheps. Per exequir las lavurs sto la via vegnir serrada naven dils Cuolms da Tscheps ensi per tut il traffic motorisau. La via resta era serrada sur notg e la fin d'jamna. A pei e cun velo eis ei pusseivel da passar. Las lavurs cuozan entochen venderdis, ils 15 da november 2019.

Dapli informaziuns survegnis vus dil selvicultur da revier, Flurin Cathomas (079 681 19 67).  
Engraziel per Vossa capientscha

Sumvitg, 08-11-2019

*Uffeci forestal Sumvitg*

## **Novas uras d'avertura deponia da verd Igniu**

La deponia da verd ha naven da sonda ils 9 da november 2019 entochen che l'emprema neiv croda aviart sco suonda:

- mardis: 16.00 – 18.00 uras
- gievgia: 16.00 – 18.00 uras
- sonda: 09.00 – 12.00 uras

Ulteriuras informaziuns ein disponiblas sin la pagina d'internet [www.sumvitg.ch](http://www.sumvitg.ch). Nus supplichein per enconuschientscha e capientscha.

Sumvitg, 08-11-2019

*Departament ambient*

## **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2019** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 08-11-2019

*Cumissiun Greina*

## **Consorzi da scola**

### **Dis da viseta**

Nus envidein cordialmein als dis da viseta ellas scolas da Rabius e Trun. Quels han liug venderdis gl'entir di e sonda avonmiezdi, **ils 15 e 16 da november 2019**. Per evitar pli gronds disturbis supplichein nus las visetas da mintgamai entrar all'entschatta dalla lecziun e sortir alla fin dalla lecziun. Nus supplichein era da risguardar igl uorden e l'atmosfera d'instrucziun. Ils bus da scola curseschan sonda avonmiezdi sc'in avonmiezdi ordinari. Nus selegrein sin Vossa viseta. *Las persunas d'instrucziun cun scolaras e scolars*

## **Uniun sportiva Rabius**

La radunonza generala da nossa uniun ha liug **uonn ils 17 da november 2019** allas 17.00 el hotel «Greina», Rabius. Suentar la radunonza offerescha l'uniun ina tscheina als commembers. A stedia participaziun ed in'emperneivla sera envida e salida vus cordialmein *la suprastonza*

## **Fiera d'advent**

### **Dumengia/Sonntag, 24-11-2019**

Surrein, casa da scola

11.30–17.00 fiera d'advent cun pusseivladad da gentar e stiva da caffè. Cordialmein envida *il Chor mischedau Surrein*.

## **Uniun samaritana Sumvitg-Trun**

Nies proxim exercezi ha liug **mardis, ils 12 da november 2019**, allas 20.00 a Trun. Las duas scolastas Bettina e Martina porschan a nus la davosa part dalla repetiziun scalem 2 cun BLS-AED. Quei exercezi ei fetg impurtonts. Perquei supplichein nus da separticipar stediamein. Engraziament gia ordavon! Amicabels salids *La suprastonza*

## **Rumida da neiv 2019/20**

### **Preziadas vischinas, prezai vischins**

Nus stein avon il temps d'unviern. Era uonn exequescha nossa interpresa puspei sin incarica la rumida da neiv per privats. Sche Vus haveis basegns da dustar la neiv sin Vies access e parcadi, fagein nus bugen quei. Vischinas e vischins che vulan far diever da nies survetsch, supplichein da s'annunziar a scret ni per telefon tier la firma Beer SA, Sigis Schmed (081 920 20 20). Per sclariment pli detagliau stein nus bugen a disposiziun. *Beer SA, Rabijs*

## **Vischinadi Rabijs ed Uniuns reunidas Rabijs**

### **Invitaziun**

alla radunonza da fundaziun per in e scadin convischin per ina nova Uniun Rabijs...!  
Venderdis, ils 22 da november 2019 allas 20.00 ell'aula dalla casa da scola Rabijs

### **Tractandas:**

#### **A) Nova Uniun Rabijs.....**

1. Beinvegni ed appel
2. Elecziun da dumbravuschs
3. Dilucidaziun dalla radunonza (fusiun vischinadi ed uniuns reunidas)
4. Num dall'uniun e niev logo
5. Approbaziun dils novs statuts
6. Elecziuns:
  - a) president
  - b) actuar/vicepresident
  - c) cassier
  - d) dus assessurs
  - e) dus revisurs da quen
  - f) in surveglader da material
7. Fixar las contribuziuns annualas
8. Program da lavur
9. Varia

#### **B) Vischinadi Rabijs**

10. Prelecziun ed approbaziun dil protocol rg 5-3-2019
11. Rendaquen 2019, rapport dils revisurs ed approbaziun
12. Dissoluziun dil vischinadi e surdada dalla bilanza

#### **C) Uniuns reunidas Rabijs**

13. Prelecziun ed approbaziun dil protocol rg 27-6-2018
14. Rendaquen 2019, rapport dils revisurs ed approbaziun
15. Dissoluziun dallas uniuns reunidas e surdada dalla bilanza

Dil sboz dils novs statuts sa vegnir priu investa sin la pagina d'internet [www.rabijs.ch](http://www.rabijs.ch) ni che quel sa vegnir empustaus tier Linus Maissen, 081 943 10 16. Nus sperein sin stedia participaziun e fagein in cordial beinvegni. *Per il vischinadi ed Uniuns reunidas Rabijs, La suprastonza*

## **Lotto a Sumvitg**

La Societad da tir Vial Sumvitg beneventa Vus a siu bunamein tradiziunal lotto la dumengia suentermiezdi allas 14.00, e quei ils **10-11-2018** en sala da scola a Sumvitg. Ei spetga sin Vus sco adina fetg bials e buns premis. Nus selegrein gia sin Vossa viseta. Cordialmein envida la *Societad da tir Vial Sumvitg*

### **Notg dalla glisch**

Devoziun dalla sera cun canzuns da Taizé.

**Venderdis, ils 22 da november** 17.30–19.30 en caplutta dalla Casa sogn Giusep.

Accumpignament musical: Regina Wilms. Suentar la devoziun dat ei te e tustgets.